

Baraković Emir
Mustafe Hukića 33
75 000, Tuzla

Kantonalni sud u Sarajevu
Šenoina 1
71 000, Sarajevo
N/r predsjedniku suda

URGENCIJA
(predmet broj 65 0 Rs 704159 21 Rsž)

Poštovani,

Molim vas za rješavanje spora u predmetu navedenom u naslovu.

Naime, radni spor ulazi u sedmu godinu postupanja iako se radi o sporovima hitne prirode. Iako je Aneksom Pravilnika o vremenskim okvirima za postupanje po predmetima u sudovima i tužilaštvima u Bosni i Hercegovini – optimalni rokovi za rješavanje predmeta, je propisano da je **optimalni rok u prvostepenom postupku za radne sporove 180 dana, uz naznaku da se taj rok može iznimno produžiti za 35 dana. Dakle, u mom slučaju parnica je počela 22.05.2018. godine, dok mi je prvostepena presuda dostavljena 04.01.2021 godine, tako da je prvostepeni postupak trajao 959 dana.**

Umjesto, kako je preporučeno da se prvostepeni postupak završi u roku od 215 dana moj je trajao 959.


Optimalni rok, predviđen za drugostepene parnične postupke po žalbi kao redovnom pravnom lijeku je 207 dana, dok je u mom predmetu do sada prošlo preko 1000 dana. Tako da i u prvostepenom i drugostepenom postupku imamo kašnjenje od pet puta više od preporuke koju je donijelo VSTV-e.

Kao što sam pisao i u ranijim urgencijama i apelaciji smatram da mi je povrijeđeno pravo na pravično suđenje, odnosno suđenje u razumnom roku, te vas opet molim da se moj predmet uzmete u rad jer koliko kroz CMS mogu vidjeti jedino što se radilo po ovom pitanju je odgovor na moju apelaciju.

Na kraju ću istaći da postoje brojne odluke Evropskog suda za ljudska prava kao i Ustavnog suda BiH koje govore da hronična opterećenost sudova nije nikakvo opravdanje što radni sporovi traju šest, sedam, osam ili više godina.

S poštovanjem,

U Tuzla, 25.04.2024. godine


Baraković Emir